



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN

Numri i lëndës: 2021:284235

Datë: 23.10.2024

Numri i dokumentit: 06341186

C.nr.2781/2021

GJYKATA THEMELORE NË PRIZREN - Departamenti i Përgjithshëm, Divizioni Civil, gjyqtari Taulant Rexhëbeqaj, duke vendosur në çështjen kontestimore të paditësve S.A. me numër personal me vendbanim në Prizren S.E. me numër personal me vendbanim në fshatin Jabllanicë, komuna e Prizrenit Š.D. me numër personal me vendbanim në fshatin Llokvicë, komuna e Prizrenit, U.A. me numër personal me vendbanim në fshatin Pouskë, komuna e Prizrenit, të cilën sipas autorizimit i përfaqëson avokat A.A. nga Prizren, kundër të paditurës Komuna e Prizreni – Drejtoria Komunale e Arsimit, me objekt të kontestit kompensimin mbi bazën e kualifikimit ose licencimit, vlera e kontestit 4,920.00 euro, jashtë shqyrtimit kryesor, më datë 23.10.2024, mori këtë:

:

A K T G J Y K I M

Pa shqyrtim kryesor të çështjes

I. APROVOHET në tërësi e bazuar kërkesëpadia e paditësve S.A., S.E., Š.D. dhe U.A. **DETYROHET** e paditura Komuna e Prizreni – Drejtoria Komunale e Arsimit, që paditësit të kompensohen në emër të pagesës shtesë mbi bazën e kualifikimit dhe atë:

1. Paditësit S.A. për periudhën kohore prej datës 01.01.2019 deri më datë 31.12.2020 apo për 24 muaj (për çdo muaj shumën prej 55.35 euro, në shkallë prej 27% të pagës bazë-421.00 euro, në emër të diferencës së papaguar të kualifikimit ose licencimit), t'ia paguajë shumën e përgjithshme prej 1,328.40 euro.
2. Paditësit S.E. për periudhën kohore prej datës 01.01.2019 deri më datë 31.12.2020 apo për 24 muaj (për çdo muaj shumën prej 38.95 euro, në shkallë prej 19% të pagës bazë-421.00 euro, në emër të diferencës së papaguar të kualifikimit ose licencimit), t'ia paguajë shumën e përgjithshme prej 934.80 euro.
3. Paditësit Š.D. për periudhën kohore prej datës 01.01.2019 deri më datë 31.12.2020 apo për 24 muaj (për çdo muaj shumën prej 55.35 euro, në shkallë prej 27% të pagës bazë-421.00 euro, në emër të diferencës së papaguar të kualifikimit ose licencimit), t'ia paguajë shumën e përgjithshme prej 1328.40 euro.
4. Paditësit U.A. për periudhën kohore prej datës 01.01.2019 deri më datë 31.12.2020 apo për 24 muaj (për çdo muaj shumën prej 55.35 euro, në shkallë prej 27% të pagës bazë-

421.00 euro, në emër të diferencës së papaguar të kualifikimit ose licencimit), t'ia paguajë shumën e përgjithshme prej 1328.40 euro

Shuma e përgjithshme të cilën është e detyruar e paditura Komuna e Prizrenit-Drejtoria Komunale e Arsimit, në Prizren, që t'ia paguaj paditësve S.A., S.E., Š.D. dhe U.A. në emër të pagesës shtesë mbi bazën e kualifikimit, të cekura nën 1-4) të këtij dispozitivi shumën e përgjithshme prej **4,920.00 euro**, të gjitha këto në afat prej 7 ditësh, nga dita e pranimit të këtij aktgjykimi nën kërcënim të përmbarimit.

III. DETYROHET e paditura, që në emër të shpenzimeve të procedurës, paditësve t'ua paguaj shumën prej 320.00 euro, në afat prej 7 ditësh nga dita e pranimit të këtij aktgjykimi nën kërcënim të përmbarimit.

A r s y e t i m

Paditësit S.A., S.E., Š.D. dhe U.A. që të gjithë nga Prizreni, në këtë gjykatë me datë 17.12.2021, përmes të autorizuarit të tyre, kanë ushtruar padi kundër të paditurës Komuna e Prizrenit – Drejtoria Komunale e Arsimit, Prizren, me të cilën kanë kërkuar nga gjykata që ta detyroj të paditurën për pagesën mbi bazën kualifikimit.

Në padi, paditësit kanë theksuar se janë të punësuar pranë SHFMU “Sharr” në fshatin Jabllanicë, në Prizreni dhe atyre nuk i është paguar në tërësi shtesa mbi bazën e kualifikimit.

Me parashtrësën e datës 14.11.2023, i autorizuari i paditësve përfundimisht ka precizuar kërkesëpadinë në aspektin objektiv, ashtu që ka kërkuar që paditësve: S.A., S.E., Š.D. dhe U.A. për periudhën 01.01.2019 deri më 31.12.2020 për 24 muaj t'iu kompensohet secilit veç e veç shuma prej 1,328.40 euro, ndërsa paditësit Saljim Elezi për periudhën 01.01.2019 deri më 31.12.2020 për 24 muaj, shuma prej 934.80 euro dhe të detyrohet e paditura në kompensimin e shpenzimeve të procedurës kontestimore.

E paditura Komuna e Prizrenit-Drejtoria Komunale e Arsimit, në përgjigjen në padi e ka kontestuar padinë dhe kërkesëpadinë e paditësve si të pa bazuar, duke kërkuar që gjykata të njëjtën ta refuzoj si të pabazuar. Ka theksuar se pretendimi i paditëses se i takon kompensimi për licencim është në kundërshtim me nenin 2 par. 1.1 të Kontratës Kolektive të Arsimit, sepse në atë dispozitë shkruan se përfitues të të gjitha beneficioneve që rrjedhin nga Kontrata Kolektive e Arsimit janë vetëm për anëtarët e Sindikatës së Arsimit – SBASHK-ut, ndërsa paditësja nuk ka paraqitur fakte se është anëtar i kësaj sindikate, nuk ka dëshmuar me anë të kartelës së anëtarësisë. Po ashtu ka theksuar se paditësja ka ushtruar padi në gjykatë për realizimin e të drejtave pa përfunduar procedura administrative, sepse nuk i ka vazhduar procedurat në Inspektoratin e Punës në Prizren, që do të thotë se paditësi nuk i ka shterur të gjitha mjetet juridike në procedurën administrative, ashtu që i janë drejtuar gjykatës në kundërshtim me nenin 124 par. 6.1. të Ligjit për Procedurën Administrative, dhe me këto veprime të paditurës i shkaktojnë shpenzime të mëdha, sepse obligohen të paguajnë edhe shpenzimet e procedurës gjyqësore. Sa i përket obligimit lidhur me përmbushjen e detyrimit, e paditura në përgjigjen në padi thekson se vet Komuna e Prizrenit nuk është nënshkruese e Kontratës Kolektive, përkatësisht Qeveria e Republikës së Kosovës është garantues i implementimeve të KKAK-së, andaj Komuna e Prizrenit nuk ka kod buxhetor për

përmbushjen e obligimeve që burojnë nga KKAK-ja. E paditura ka kontestuar kërkesëpadinë duke u bazuar në nenin 353 të LMD-së, duke deklaruar se paditësit ka humbur të drejtën për realizimin e kërkesës, pasi që ka kaluar afati 3 vjeçar, ashtu që ka arritur parashkrimi i kërkesës së paditëses. Me të gjitha të cekurat si më lartë, e paditura ka kërkuar që kërkesëpadia e paditëses të refuzohet në tërësi si e pabazuar.

Gjykata pas shqyrtimit të padisë, provave që gjenden në shkresat e lëndës, si dhe përgjigjes në padi të paraqitur nga ana e të paditurës, në kuptim të nenit 8 lidhur me nenin 152 të LPK, gjeti se kërkesëpadia e paditëses është e themeltë, andaj pa caktuar seancë gjyqësore, vendosi lidhur me kërkesëpadinë si në dispozitiv të këtij aktgjykimi.

Ndërmjet palëve ndërgjyqëse nuk ishte kontestues fakti se paditësit janë në marrëdhënie pune tek e paditura Komuna e Prizrenit-Drejtoria Komunale e Arsimit, si mësimdhënës pranë SHFMU “Sharri”, Jabllanicë, komuna e Prizrenit. Mirëpo, kontestuese ishte nëse paditësve i takon e drejta e kompensimit të të ardhurave nga marrëdhënia e punës mbi bazën e kualifikimit ose licencimit, përkatësisht diferencës konkrete të papaguar, si dhe nëse kërkesa e paditësve për kompensimin e të ardhurave nga marrëdhënia e punës mbi bazën e kualifikimit ose licencimit është parashkruar.

Në këtë drejtim, gjykata nga kontrata e punës nr.protokollit 54/15-16 datë 27.10.2015 për paditësin S.A. dhe diploma nr. 297 e datës 24.03.2015, vërtetoi se kualifikimi i paditësit është Bachelor i Gjuhës dhe Letërsisë Boshnjake.

Në këtë drejtim, gjykata nga kontrata e punës nr.protokollit 54/15-18 datë 27.10.2015 për paditësin Š.D. dhe diploma nr. 176 e datës 21.03.2014, vërtetoi se kualifikimi i paditësit është Bachelor i Programit Fillor.

Në këtë drejtim, gjykata nga kontrata e punës nr.protokollit 54/15-19 datë 27.10.2015 për paditësin U.A. dhe diploma nr. 155 e datës 22.01. 2014, vërtetoi se kualifikimi i paditësit është Bachelor i Programit Fillor.

Në këtë drejtim, gjykata nga kontrata e punës nr.protokollit 503 datë 11.09.2020 për paditësin S.E. dhe diploma nr. 01-552 e datës 27.11 1993, vërtetoi se kualifikimi i paditësit është Shkollim i lartë pedagogjik-lënda Matematikë.

Në vazhdim, bazuar në listën e pagave të lëshuar nga Buxheti i Republikës së Kosovës, vërtetohet se lartësia e pagës bazë të të gjithë paditësve është në shumë prej 421.00 euro dhe se paditësve: S.A., S.E., Š.D. dhe U.A. në emër të kualifikimit Fakultet apo diplomë universitare 3 apo 4 vjeçare, në pagën bazë mujore i është paguar shuma prej 58.32 euro, ndërsa paditësit S.E. në emër të kualifikimit Shkollim i lartë pedagogjik apo diplomë universitare 2 vjeçare, në pagën bazë mujore i është paguar shuma prej 41.04 euro.

Provat e lartcekura, gjykata i pranoi si provë materiale vendimtare, në kuptim të nenit 329 par. 1 të LPK-së, sipas së cilës dispozitë ligjore përcaktohet se “shkresa të cilën e ka hartuar në formën e caktuar organi shtetëror brenda kufijve të kompetencës së vet, si dhe shkresa të cilën në formë të tillë e ka hartuar ndërmarrja apo organizata tjetër në ushtrimin e autorizimeve publike që i janë besuar me ligj (dokumenti publik), provon saktësinë e asaj që konfirmohet apo caktohet në të”. Andaj meqë këto dokumente janë të pranueshme edhe për vetë palën e

paditur Komuna e Prizrenit-Drejtoria Komunale e Arsimit, pasi që të njëjtat nuk janë kontestuar, gjykata ia fali besimin e plotë.

Gjykata gjen se në rastin në fjalë zbatohen dispozitat e Vendimit të Qeverisë së Republikës së Kosovës, me nr.01/33 të datës 29.08.2008. Kështu, në pikën 1. të këtij vendimi, përcaktohet që “nga 1 shtatori 2008 të gjithë mësimdhënësit, drejtorët (zëvendësdrejtorët) dhe bashkëpunëtorët profesional në shkollat e Republikës së Kosovës, do të kenë rritje të pagave të tyre në bazë të kriterëve të licencimit”. Ndërsa, në pikën 4. të vendimit në fjalë parashihet ngritja e pagës sipas shkallës apo nivelit të kualifikimit ose licencimit, në të cilën përcaktohet se “mësimdhënësit, drejtorët (zëvendësdrejtorët) dhe bashkëpunëtorët profesional, të pajisur: 1). Me diplomë të Shkollës Normale përfitojnë ngritje të pagës bazë prej 10%; 2). Me diplomë të Shkollës së Lartë Pedagogjike përfitojnë ngritje të pagës bazë prej 19%; 3). Me diplomë universitare 3 dhe 4 vjet përfitojnë ngritje të pagës bazë prej 27% dhe 4). Me diplomë të ciklit të dytë dhe të tretë (Magjistraturë dhe Doktoraturë) përfitojnë ngritje të pagës bazë prej 35%”. Pastaj, bazuar në mendimin juridik nr. 214/2023 të datës 09.10.2023, në pikën I. të tij përcaktohet që “për kërkesat e mësimdhënësve për kompensim mbi bazën e kualifikimit (licencimit), kompensimi bëhet sipas kushteve dhe kriterëve të përcaktuara me Vendimin e Qeverisë së Republikës së Kosovës, me nr.01/33, datë 29.08.2008”, vendim i cili ka qenë në fuqi deri më 06.02.2023.

Në rastin konkret, gjykata gjeti se e paditura Komuna e Prizrenit-Drejtoria Komunale e Arsimit ka për detyrim, që paditësve t’ia paguaj kompensimin mbi bazën e kualifikimit ose licencimit, konform detyrimeve që rrjedhin nga Vendimi i Qeverisë së Republikës së Kosovës, me nr.01/33, datë 29.08.2008, sipas shkallës apo nivelit të kualifikimit ose licencimit të përcaktuar në këtë vendim. Më konkretisht, nga lista e pagave të lëshuar nga Buxheti i Republikës së Kosovës, rezulton se e paditura Komuna e Prizrenit-Drejtoria Komunale e Arsimit, në emër të kualifikimit apo licencimit në pagën bazë, paditësve : S.A., Š.D. dhe U.A. ia ka paguar shumën prej 58.32 euro, ndërsa paditësi S.E. ia ka paguar shuma prej 41.04 euro. Sipas pikës 4 nën pikës 2 dhe 3 të Vendimit nr.01/33 të datës 29.08.2008, paditësit: S.A., Š.D. dhe U.A. përfitojnë ngritje prej 27% të pagës bazë, që në rastin konkret paditësit përfitojnë ngritje në pagën bazë, në emër të licencimit apo kualifikimit shumën prej 113.67 euro, ndërsa paditësi: S.E. përfiton ngritje prej 19 % të pagës bazë, që në rastin konkret paditësit përfitojnë ngritje në pagën bazë, në emër të licencimit apo kualifikimit shumën prej 79.99 euro.

Së këndejmi, gjykata vendosi që paditësve: Š.D. dhe U.A. iu takon pjesa e diferencës së papaguar lidhur me pagën bazë në shumë prej 421.00 euro apo në shumë prej 55.35 euro, ndërsa paditësit: S.E. diferenca në shumë prej 38.95 euro. Në këtë drejtim, gjykata vendosi si në pikën nën I të dispozitivit të këtij aktgjykimi, duke e detyruar të paditurën Komuna e Prizrenit-Drejtoria Komunale e Arsimit, që paditësve S.A., Š.D. dhe U.A. për çdo muaj t’ia paguaj shumën prej 55.35 euro, për periudhën kohore prej datës 01.01.2019 deri më datë 31.12.2020 apo për 24 muaj, secilit veç e veç shumën e përgjithshme prej 1,328.40 euro. Pra, diferenca e papaguar në shumë prej 55.35 euro, duke e shumëzuar për 24 muaj ($24 \times 55.35 = 1,328.40$ euro). Ndërsa, paditësit S.E., për çdo muaj t’ia paguaj shumën prej 38.95 euro, për periudhën kohore prej datës 01.01.2019 deri më datë 31.12.2020 apo për 24 muaj, shumën e përgjithshme prej 934.80 euro. Pra, diferenca e papaguar në shumë prej 38.95 euro, duke e shumëzuar për 24 muaj ($24 \times 38.95 = 934.80$ euro).

Në anën tjetër, gjykata e vlerësoi të pa bazuar pretendimin e palës së paditur Komuna e Prizrenit-Drejtoria Komunale e Arsimit lidhur me parashkrimin e kërkesës së palës paditëse. Kështu, sipas nenit 87 të LP-së shprehimisht theksohet që “të gjitha kërkesat nga marrëdhënia e punës në para, parashkruhen brenda afatit prej tri (3) vitesh, nga dita e paraqitjes së kërkesës”. Në këtë drejtim, paditësit padinë pranë kësaj gjykate e kanë parashtruar më datë 17.12.2021, ndërsa kërkesa e tyre sipas precizimit të datës 14.11.2023 ka qenë për kompensimin e të

ardhurave nga marrëdhënia e punës mbi bazën e kualifikimit ose licencimit për periudhën 01.01.2019 deri më 31.12.2020, Rrjedhimisht, duke vlerësuar afatin 3 vjeçar sipas nenit 87 të LP-së, gjykata erdhi në përfundim se kërkesa e paditësve është brenda afatit 3 vjeçar.

Bazuar në të lartcekurat, gjykata duke iu referuar nenit 152 të LPK-së ku parashihet që *“Po që se i padituri me anë të përgjigjes në padi i ka pohuar faktet vendimtare, përkundrejt kontestimit të kërkesëpadisë, gjykata mundet pa caktuar seance gjyqësore, të jep aktgjykim (neni 143 dhe 147 të këtij ligji), nëse nuk ekzistojnë pengesa të tjera për dhënien e tij”*, ka vendosur si në pikën I. të dispozitivit të këtij aktgjykimi.

Lidhur me kundërshtimet tjera të palës së paditur Komuna e Prizrenit-Drejtoria Komunale e Arsimit dhënë në përgjigje në padi, gjykata vlerësoi se të njëjtat nuk janë të bazuara në dispozita ligjore dhe nuk kanë mbështetje në ndonjë bazë faktike apo juridike, përpos kundërshtimit për parashkrim të cilën gjykata e vlerësoi të bazuar dhe e sqaroi më lartë. Rrjedhimisht, gjykata erdhi në përfundim se faktet nuk ishin kontestuese dhe nuk ekzistojnë pengesa për dhënien e vendimit merititor.

Vendimi mbi shpenzimet procedurale është marrë konform nenit 449, 452 dhe 453 par. 2 të LPK-së, duke obliguar të paditurën Komuna e Prizrenit-Drejtoria Komunale e Arsimit, që në emër të shpenzimeve të procedurës kontestimore, paditësve t’ia paguajë shumën e përgjithshme prej 320.00 euro, sipas Tarifës së Odës së Avokatëve, për përpilimin e padisë shumën prej 260.00 euro dhe për taksë gjyqësore shumën prej 60.00 euro.

Duke u bazuar në të dhënat e lartcekura, gjykata ka vendosur si në dispozitiv të këtij aktgjykimi në pajtim me nenin 143 dhe 152 të LPK-së.

GJYKATA THEMELORE NË PRIZREN
Departamenti i Përgjithshëm - Divizioni Civil
C.nr.2781/2021, datë 23.10.2024

Gjyqtari,

Taulant Rexhëbeqaj

KËSHILLË JURIDIKE: Kundër këtij aktgjykimi palët kanë të drejtë ankese në afat prej shtatë (7) ditëve nga dita e pranimit të të njëjtit, pranë Gjykatës së Apelit në Prishtinë, nëpërmjet kësaj Gjykate Themelore.